

如來境智
如來依因

乙二、如來究竟果德
丙一、(六)乘道果

- 命說
- 受說
- 正說
- 證說

如來果德

如來究竟會三乘

依章廣說

二乘有生死怖畏

廣明

別釋權實義

約無明住地論今教

釋

約五人論不斷之惑

約三人辨不斷之失

如來乃為究竟

明無餘斷惑

明常住涅槃

三聖智斷有餘

二乘無漏未盡

結成

總說
世尊！若無明住地不斷不究竟者，不得一味等味，謂明解脫味。
何以故？無明住地不斷不究竟者，過恒沙等所應斷法不斷不究竟。
過恒沙等所應斷法不斷故，過恒沙等法應得不得，應證不證。

別說
是故無明住地積聚，生一切修道斷煩惱上煩惱，彼生心上煩惱，止上煩惱，觀上煩惱，禪上煩惱，正受上煩惱，方便上煩惱，智上煩惱，果上煩惱，得上煩惱，力上煩惱，無畏上煩惱。
如是過恒沙等上煩惱，如來菩提智所斷，一切皆依無明住地之所建立。一切上煩惱起皆因無明住地，緣無明住地。世尊！於此起煩惱，剎那心剎那相應；世尊！心不相應無始無明住地。

能斷之功德
一切悉斷
世尊！若復過於恒沙如來菩提智所應斷法。一切皆是無明住地所持所建立。
譬如一切種子，皆依地生，建立，增長，若地壞者，彼亦隨壞。
如是過恒沙等如來菩提智所應斷法，一切皆依無明住地生，建立，增長，若無明住地斷者，過恒沙等如來菩提智所應斷法，皆亦隨斷。

一切悉證
如是一切煩惱上煩惱斷，過恒沙等如來所得一切諸法，通達無礙，一切智見。離一切過惡，得一切功德，法王法主而得自在，證一切法自在之地。
如來應等正覺 正師子吼：我生已盡，梵行已立，所作已辦，不受後有。是故世尊以師子吼，依於了義一向記說。

明常住涅槃
約四事明
若知一切苦，斷一切集，證一切滅，修一切道，於無常壞世間，無常病世間，得常住涅槃，於無覆護世間，無依世間，為護為依。
約三事明
何以故？法無優劣故得涅槃；智慧等故得涅槃，解脫等故得涅槃，清淨等故得涅槃，是故涅槃一味等味，謂解脫味。

三聖智斷有餘
結說
是名得少分涅槃；得少分涅槃者，名向涅槃界。
別說
約三事明有餘
以不斷故，名有餘過解脫，非離一切過解脫；名有餘清淨，非一切清淨；名成就有餘功德，非一切功德。
約四事明有餘
以成就有餘解脫，有餘清淨，有餘功德故，知有餘苦，斷有餘集，證有餘滅，修有餘道。

二乘無漏未盡
何以故？阿羅漢辟支佛斷四種住地，無漏不盡，不得自在力，亦不作證。
無漏不盡者，即是無明住地。
總說
世尊！阿羅漢辟支佛最後身菩薩，為無明住地之所覆障故，於彼彼法不知不覺，以不知見故，所應斷者，不斷不究竟。